

## Werk

**Titel:** Nachtrag: Christian Cotti

**Ort:** Erlangen

**Jahr:** 1916

**PURL:** [https://resolver.sub.uni-goettingen.de/purl?345572629\\_0035|log63](https://resolver.sub.uni-goettingen.de/purl?345572629_0035|log63)

## Kontakt/Contact

Digizeitschriften e.V.  
SUB Göttingen  
Platz der Göttinger Sieben 1  
37073 Göttingen

✉ [info@digizeitschriften.de](mailto:info@digizeitschriften.de)

veva an cass da questiuung da daclarar sot sarramaint alla gisteia, cant tocs e da tgi. — Ainten las tranzlaziungs rumantschas digl Startet catainsa scu appendix la furma da screiver ena bulletta. Sez igl screiva-bullettas veva da far sia declaranza, tgi sa cata an sies circuit nigna malsogna rantevla, sot sarramaint. Gl'e betg da dubitar, tgi igl sarramaint niva surduvro tar en pivel cartent, scu igls noss vigls; parchegl veva el la sia muntada e giustificaziung.

Ia conclud. Nossa independenza e noss hodiern [p. 74] bagnstar vainsa per buna part betg angal d'angraztger agl ferm bratsch digls noss attenats, tgi on rabetia cun spada gizzada bleras gadas igl inimei dagls sies confegns, bagn er agl sies bung e sang spiert, tgi o procuro per mantignamaint da bung rughel e gisteia ainten la patria er anc schi pitschna.

Viglia la divina providentscha disponer, tgi la nossa tgera patria possa exister e prosperar an etern, scu chegl e sto la voluntat digls noss bungs perdavants. —

## CHRISTIAN COTTI.

### Ziteil.

(Nach Pelegrin, XII, Nr. 9, p. 129.)

Chise agl ôt, sen igl Curver  
Nou' rar angal reiv' igl tgvrer  
Schei na pitschna baselgietta  
Dasper na clera funtangetta.

5 Glié Ziteil, igl Sanctuari,  
Vign recito co bler Rosari  
Per urbeir da Dia grazias  
Pigl carstgang schi necesarias!

Giô da tschentaners an nò  
10 A Ziteil pelegriad' ins fô  
Bler on co confort catto  
Sanadat er acquisto.

A sanester dell'antrada  
Se pigl meir an parada  
15 Vasainsa oz ang las miracles  
Daventadas sur las aclas.

En struptgia cun crutscha niva  
 Tar Maria, ed urbiva,  
 Tg' el tot frisch e sang  
 20 Turnav' a tga sainz crutsch an mang.

Er unfants sainza favela  
 Nivan co an pitschn' urela,  
 Antras miracla de Maria,  
 Guarias digl noss bung Dia.

25 Aint igl sedaschavel tschentaner  
 Giô aint igl meis de Schner  
 Geva scu na roda  
 Tras Surses la „Boda“.

Igl pievel constarnia  
 30 Refugi peglia tar Maria  
 La miracl' é daventada  
 Dalung la „Boda“ é tschessada.

Damai, tign ot igl mies Surses  
 Igl Sanctuari ved vard Ses  
 35 Da chel survignast te confort  
 Er igl davos, segl puntg da mort!

### Bab pardunga.

(Nach Il Pelegrin, XIII, Nr. 4, p. 61).

|                                    |                                        |
|------------------------------------|----------------------------------------|
| Tge terribel ramurar               | Ast Giudea mess an prieve              |
| Dalla pizza alla mar!              | Disturbo la pasch dil pievel?          |
| Igl solegl tot stgirentò           | La verdat ast Te purschia,             |
| Golgatha èr gritentò.              | Fragl agl mal ast metter lia.          |
| 5 Christus igl veir feigl de Dia   | 15 Per nous tots pudeir salvar,        |
| Ved la crousch El stad pandia;     | Doltsch repôs an tschiel nous dar.     |
| Malfatschaints fon compagneia,     | Cò damai' gl angraztgamaint            |
| Trist aspect per l'orma meia.      | Digls creos pigl salvamaint!           |
| Tge ast fatg divin Salvader        | Bab, pardunga si' acziung              |
| 10 D'esser chi pandia scu'n lader? | 20 Betg schi nosch' er' l' intenziung. |